

重修廣平府志卷五十一

列傳六 永年 曲周 肥鄉

國朝

永年縣

胡福宏字徵五明天啟二年進士除諸城知縣陞兵部
職方司主事當崔魏時同鄉風靡福宏自晦不與交通
轉通州監軍僉事懷來兵備副使卒以忤璫罷歸

國初仕至江西按察使正己率下死金聲桓之難縣志順治

十六年祀鄉賢 畿輔通志

胡鳳閣字君榮明貢生崇禎中知濟甯州濟爲漕運要

地疏濬挑築備極勞勩土寇李清山作亂起漕囤糴米

百萬石指顧而辦

舊志

國朝順治中官開州同知撫荒殘除盜賊戢叛兵陞廬州知府治尙寬簡廬人愛之以自奉薄稱長齋太守著有

伏櫪齋集

畿輔通志

李仲熊字滄嶠明崇禎四年進士官中書舍人

國朝順治間爲御史巡按廣西劾貪墨尤著者辦釋冤獄

數大案有直御史之稱擢上湖南道母病乞歸置義塾

義倉開廣仁間資灌漑鄉人德之

舊志

康熙三十一年祀

鄉賢

畿輔通志

申涵光字孚孟號鳬盟端愍公佳允長子少穎異博涉經史文高潔岩逸尤喜爲詩年十五補諸生萬厯六年遇亂議城守捐金四百錢二十萬犒士登陴者賴以濟甲申之變佳允殉國難涵光走松江謁陳子龍等求爲志傳歸里力耕養母足迹絕城市會

世祖詔訪明死難諸臣舉封墓之典柏鄉魏裔介上褒錄幽忠疏列佳允姓名格於部議涵光徒跣赴京麻衣經帶哭號燕市中裔介再疏爭之卒

予祀典一時士大夫高其孝行爭折輩行與交有欲以山林隱逸及孝行薦者皆辭不就拂衣歸都中故人寄書招之

往往簡傲不答作詩報之有荷花未老新釀熟爲道無
閒作報書之句涵光詩沈鬱頓挫一以少陵爲宗與其
友雞澤殷岳永年張蓋曲周劉逢源邯鄲趙湛詩歌唱
和酒後耳熱或相對泣下尙書王士禎謂涵光稱詩廣
平開河朔詩派學士熊伯龍謂方今詩人絕多吾甘爲
之下者廣平申涵光而已晚歲究心性命之學謁容城
孫奇逢於蘇門執弟子禮造詣益邃作性習圖義利說
及荆園小語進語自淑以淑其兩弟嘗曰主靜不如主
敬敬自靜也又曰士人要有岸然自命之氣又有欲然
若不足之心又曰好勝者必敗恃壯者易疾漁利者害

多驚名者毀至又曰朱陸同適於道朱遲而穩陸捷而危在人自擇耳皆格言也孫奇逢序其書云苦心積慮閱歷深而動忍熟魏裔介遺以札云年少文壇老來理路天道之春夏而秋冬聖學之博文而約禮其見許如此年五十九卒人謂其數與唐杜少陵相等而其行誼之高則漢之郭林宗黃叔度庶幾近之所著詩文集行

世

魏裔介撰傳熊伯龍撰行狀參北學編國朝先正事畧名家詩鈔漁洋詩話

申涵煜涵盼均涵光弟涵煜字觀仲康熙五年舉人學詩於兄名亞之書法大令時戲寫蘭似趙子固

蠶尾續集

嘗

與魏裔介登高阜痛飲狂歌隨其兄長嘯菰蘆中世俗

求見其面不可得

魏裔介序

著有江航草一卷敏菴集一卷

詩傳

畿輔

涵盼字隨叔動止莊栗不隨俗俯仰中順治十

八年進士改庶吉士授檢討預修

兩朝實錄刪繁補闕鉤纂之力居多康熙十一年實錄成引疾

歸兄涵光教以詩法一以少陵爲宗閒仿李西涯樂府

爲詠史詩百餘篇奇變激宕能與並驅好讀史擇二十

一史忠孝節烈有關世教者萃爲一編曰通鑑評語與

人論古今盛衰政治理亂抵掌數千載如目前聽者皆

驚服文高古疏豁歸於簡潔嘗曰文尙體要一泛濫則

河海無極矣其持議嚴謹如此學士喇沙禮爲院長不

輕許可獨舉涵盼名人對蓋知之素也卒年四十五

張玉

書撰墓誌銘

著有定舫詩草忠裕堂文集史籙等書

詩傳 畿輔

張蓋字覆輿一字命士明諸生清癯狷介性好詩輕脫不中繩尺家素貧竭貲爲服飾綦履珮玉飄長帶如貴介甚都城頭水次出洞簫袖中鳴鳴自得善草書法懷素體時作狂草累百過至不可辨識甲申後謝去學官弟子幅巾方袍獨行曠莽林薄間自作手語時人莫測也有哀其貧者贈以金道逢寒士中分之不問姓名而去遊齊晉楚豫間數年狂疾作昇歸築土室自閉穴而進飲食悲吟佗憐嘗痛哭終日雖妻子不得見歲時一

出拜母而已有司慕其行求一識面不可得唯同里申
涵光雞澤殷岳至則延入土室談甚洽其爲詩哀憤過
情五言尤高簡力詣古人然恆自毀其藁不以示世外
之狂益甚竟死年六十六申涵盼曰蓋先世晦迹類袁
閎疏散類魏野襟期類孟郊而發狂自廢又絕類近世
徐渭蓋古篤行之流歟著有柿葉菴詩集申涵光輯其
遺藁得百六篇梓而傳之

朱彝尊撰墓志參申涵
盼撰傳文獻徵存錄

趙湛字秋水先世自明永樂初居永邑城東大由堡十
歲能歌咏少長經書子史過目成誦日記數千言入膠
庠食餼然性厭作時文喜諧音律沈酣李杜出入三唐

詩名噪一時同里申鳧盟張覆輿殷伯巖外如柏鄉魏
貞菴宜君楊筠渭富平李天生東明袁杜少皆訂風雅
交日共濯磨學益進顧才高多忌名重招尤冤沈黑獄
幾莫能脫兄漁浦徒步走長安急爲辯雪乃免從此一
介行李浩蕩江湖所至之處人爭倒屣名公巨卿咸折
節焉適晉得詩若干首名繫舟吟以汾水西有山曰繫
舟故以地誌之元城黃遜菴爲堂邑令館湛於大悲禪
院得古體十二章題曰省心吟黃曰秋水趙子其庶幾
聞道矣余讀其省心吟而有以窺其深也赴武功登太
華嘯白雲過隆中與峴山遊習池梁昭明臺望孟浩然

故里而弔古興懷寄之於詩年七十卒平生所作於詩最夥柏鄉相國魏貞菴公致仕歸里取湛遺藁自出遊以來所作並卧草堂時所咏彙輯成編名曰玉暉堂詩

鈔

縣志兼趙壩撰傳

案通志列入邯鄲查邯鄲縣志未載今依永年志移改

李芳莎字臺辰拔貢生順治元年知武鄉縣清節自持善發奸伏暇以詩歌自娛地方利弊率託之於詩當時擬之詩史開局修志筆削皆身任之

山西通志

陞永州同知

被謫歸年五十餘卒芳莎詩格沈雄爲文數千言立就

宰相宋權重其文

縣志

嘗爲草謝

賜大內書畫表揮毫如風都下傳爲美談

宋犖笏
廊偶筆

宋永譽字葆祉明崇禎十五年舉人

國朝順治二年授郿縣知縣郿俗素悍近終南稱盜藪永譽治以勤流賊賀珍寇長安道攻郿永譽糾紳耆畫守禦策誓與城存亡賊遣使誘降給以重祿永譽縛其使賊怒攻五晝夜勢不支城陷被執立罵不絕口賊鬱殺之事聞

贈陝西按察司僉事廕一子

魏象樞
撰傳

冀如錫字公治順治四年進士授刑部主事歷遷員外

郎中七年授湖廣襄陽知府

國史大臣列傳

時多盜如錫繕

城垣以守賊不敢犯吳三桂反

王師南下襄陽塗塞歷四旬如錫建議燒豹尾山毀望京

城諸道悉通

縣志

十一年遷河東鹽運使十六年調河南

分守道尋擢浙江按察使十七年內遷太常寺卿轉通

政使十年補工部右侍郎康熙四年丁憂回籍七年服

闋八年補兵部右侍郎十二年遷左都御史疏奏獄訟

繁興弊皆伏於砌款粘單豪猾捕風捉影陷富民以媚

貪吏一狀而列數十事一事而累數十人擇肥而食同

惡相濟甚至有革汰逃兵以尅餉誣其將領者蠹民受

懲以橫征誣其長上者挾私行詐此風胡底請

勅內外大小臣工有犯必懲又奏每閱邸報有奴僕告主者以役使之人挾私報怨其或虛罔則罹重刑是上下之分不明又陷愚人於必死也臣以爲謀反叛逆諸大端許奴僕實指出首其餘指陳公私過失一切禁止犯則治以應得之罪庶名分定而悖逆之風絕矣俱下部議行擢工部尙書十五年淮陽河決

命如錫偕侍郎尹桑阿往勘會議十六年疏劾河臣王光裕無治河才乞罷之別簡賢員立驗勘之法多遴官吏廉幹者分司其役限之以時日覈之以處分庶河道有益生

民幸甚

上從之尋坐事鐫級卒於家

國史大臣傳康熙二十九年祀鄉賢

輔通志

劉璇副貢生順治中知沁源縣升鄖陽府同知叛賊王

光泰陷城被執不屈死

贈按察司副使

同上案明史陳美傳賊犯鄖陽同知劉璇死璇承年貢生疑係一人今從康熙志仍列於此

杜霽遠順治九年知安化縣招徠流民八百餘戶墾田

七百餘頃出貲繕城堞立學校收殮遺骸政聲甚著

清一統志

冀龐齡順治十一年舉人父蓋廩生有學行龐齡潛心

性命之學任河間故城教諭課士有方著有四書講義

縣志

甯爾講字元著父光祖性孝弟母喪以毀卒爾講順治十五年進士官山西道監察御史巡視西南二城豪猾斂迹巡鹽兩淮父憂歸服闋補御史疏請清流品嚴冒濫慎選舉正服色請召對別襲廕停奪情凡七事卒以言事獲譴弟爾讀官南樂教諭力營贖還康熙二十六年起官湖廣道御史卒

縣志

鄭茂字子勉與申涵光同巷居日袖書討論疑義涵光博學茂務精專順治十七年舉於鄉官武平縣知縣卒

於官涵光稱其詩似儲光義渾淪大家其氣蒼栗以渾

舉業不能專力

縣志

著有竹邊樓詩草

畿輔詩傳

李芳徵字銀槎拔貢生官漢中府通判賀珍來寇關南
道胡全才誓衆固守芳徵佐理兵餉軍需不缺於供擢
知鄜州王永強之亂竭力拒守遣人蠟書赴省爲邏者
所得賊怒急攻之城破不屈死

陝西通志

贈按察司僉事

縣志

劉光祚官杞縣尉申佳允祠就圯捐資新之申請佳允

入邑中名宦性執傲不樂仕進告歸卒

畿輔通志

王以恩字霖蒼生而貌寢面鰲身臞不修邊幅年十餘

嗜左國史記昌黎諸書讀皇極經世通書西銘能悟其
奧義爲文灝灝汨汨數千言立就十三補諸生十四中
順治辛卯副車文名噪甚與同里申涵盼以實學相砥
礪性孝友善議古今人可否刻苦致疾卒之日猶手錄
康節易數一卷年二十三

畿輔通志

叔訓字見全歲貢生

博學善屬文除訓導不就究心理學多所發明

縣志

姚謐字遜若應童子試不售輒棄去喜爲詩清切拔俗

學使聞其名招之不往書法亦有氣骨爲時寶貴

縣志

楊文華字彬然康熙五年舉人有文名舉鄉飲正賓著
有幼學定式又斬紫垣庠生安貧好學事繼母以孝稱